



Broj: 02-2-4715/24 KF
Sarajevo, 15.05.2024. godine

Na osnovu člana 21a. Zakona o zaštiti ličnih podataka („Sl.glasnik BiH“ br. 49/06, 76/11 i 89/11) i člana 70. Zakona o organizaciji uprave u Federaciji BiH („Sl. novine FBiH“ br. 35/05), direktor Zavoda za izgradnju Kantona Sarajevo donosi:

O D L U K U **o uspostavi i vršenju video nadzora**

Član 1. (Predmet odluke)

Ovom odlukom se uspostavlja i vrši video nadzor u Zavodu za izgradnju Kantona Sarajevo (u daljem tekstu: Zavod) na adresi Kaptol br. 3. i Branilaca Sarajeva 3., te se propisuje svrha njegovog uspostavljanja i pravila obrade, čuvanja i korištenja podataka dobivenih putem video nadzora

Član 2. (Svrha)

Video nadzor u objektima Zavoda vrši se radi:

- zaštite i sigurnosti uposlenika i drugih posjetilaca,
- sprečavanja i onemogućavanja, a po potrebi i istraživanja incidenata,
- sprečavanja mogućih opasnih ili neovlaštenih fizičkih ulazaka,
- sprečavanja neovlaštenog ulaska osiguranim prostorijama i IT infrastrukturi,
- sprečavanje, otkrivanje i istraživanje slučajeva krađe, uništenja i oštećenja opreme ili imovine Zavoda,
- drugi slučajevi shodno Zakonu o zaštiti ličnih podataka.

Član 3. (Video nadzor)

Video nadzor obuhvata unutrašnje i vanjske kamere, monitor za praćenje u realnom vremenu i uređaj za snimanje i pohranjivanje video zapisa.

Manuelno brisanje videozapisa nije dozvoljeno, izuzev uz odobrenje direktora Zavoda.

Video nadzor iz člana 2. ove odluke vršit će se na ulazima, hodnicima i stepeništima Zavoda u oba objekta iz člana 1., te na vanjskom zidu zgrade Zavoda u ulici Kaptol br.3.

Kamere su postavljene shodno tehničkim mogućnostima, na osnovu organizacijskih i bezbjednosnih potreba. Video nadzor nije dozvoljen u kancelarijama, salama za sastanke, kuhinji, niti sanitarnim prostorijama.

Član 4. (Obrada ličnih podataka putem video nadzora)

O video nadzoru iz člana 3. stav 3. ove odluke vodi se zbirka ličnih podataka.

Obrada ličnih podataka dobijenih putem video nadzora vrši se u obliku video zapisa koji sadrži sliku, datum i vrijeme.

Lični podaci iz zbirke ličnih podataka iz stava 1. ovog člana pohranjuju se na uređaj za snimanje, te se čuvaju najduže 30 dana od dana nastanka.

Uvid u zbirku ličnih podataka iz stava 1. ovog člana, može se dozvoliti ovlaštenim službenim licima nadležnih sudova, tužilaštava, i policijskih agencija u BiH na pismeni zahtjev sa navedenim valjanim pravnim osnovom. Snimci sa video nadzora se mogu izdavati i drugim licima u skladu sa zakonima koji se primjenjuju u BiH.

Član 5. (Sigurnost)

Uređaj za snimanje nalazi se u server sobi Zavoda na adresi Kaptol br. 3. i u zgradi na adresi Branilaca Sarajeva br. 3. kojem pristup imaju samo ovlaštene osobe.

Direktor, lica koja direktor ovlasti i Referent za poslove prijema stranaka i poslove recepcije Zavoda imaju pristup video nadzoru u realnom vremenu na svojim računarima.

Pristup pohranjenim snimcima ima direktor Zavoda i lica koja on ovlasti.

Zaštita neovlaštenog pristupa snimcima uspostavljena je na način da je za pristup istim potrebna posebna šifra koju imaju direktor i lica koja on ovlasti.

Član 6. (Obavještenje o video nadzoru)

Uposlenici Zavoda, kao i sva druga lica koja ulaze u prostorije Zavoda, obavješteni su o vršenju video nadzora putem jasno vidljivih obavještenja „Objekat je pod video nadzorom“ koji su postavljeni na ulaze u prostorije Zavoda u kojima je postavljen video nadzor.

Isticanjem obavještenja iz stava 1 ovog člana, smatra se da su lica obavještena o obradi ličnih podataka putem video nadzora.

Član 7. (Stupanje na snagu)

Ova odluka stupa na snagu danom donošenja i bit će objavljena na oglasnim pločama Zavoda i web stranici Zavoda.



Dostaviti:

1. oglasne ploče x2
2. web stranica Zavoda
3. a/a